




# საპურიის მოახება



№12 (294)

26 აპრილი, ორშაბათი, 2021 წელი

## ვნების კვირა (შვიდეული)

ვნების შვიდეული აღდგომის წინა კვირას ეწოდება და ქრისტეს ამქვეყნიური ცხოვრების უკანასკნელ დღეებს, მაცხოვრის ჯვარცმას და შემდეგ ქრისტეს აღდგომისთვის მზადებას ეძღვნება.

### როგორ უნდა მოიქცნენ ქრისტიანები ვნების შვიდეულში

ქრისტიანებმა მთელი ეს პერიოდი მარხვასა და ღოცვაში უნდა გაატარონ. ვნების შვიდეულის ორშაბათს, სამშაბათს და ოთხშაბათს ტაძარში სრულდება წირვები პირველშეწირულთა ძღვენთა, იკითხება მთელი სახარება თავიდან ბოლომდე.

ამ კვირაშიც, გარდა ხუთშაბათისა, დიდმარხვის პირველი კვირის მსგავსად, მორწმუნეები მკაცრად მარხულობენ, თუმცა ვნების შვიდეულის ხუთშაბათი დღე, ე.წ. „დიდი ხუთშაბათი“ ხუთით ხსნილია, რადგან ეკლესიაში სრულდება სადღესასწაულო წირვა.

### ვნების შვიდეული დღეების მიხედვით დიდი ორშაბათი

ვნების შვიდეულის პირველ დღეს – დიდ ორშაბათს მართლმადიდებელი ეკლესია უნაყოფო ლეღვის გახმობას იხსენებს. უნაყოფო ლეღვი იმ ქრისტიანების სულის სიმბოლოა, რომელნიც სინანულის ნაყოფს არ იხსამენ. საეკლესიო სწავლების თანახმად, როდესაც უფალი ბეთანიიდან წამოვიდა, მოვიდა, ლეღვის ხე დაინახა, რომელიც გაფოთილი იყო, თუმცა ახლოს მისულს ლეღვი უნაყოფო დახვდა. იესომ დაწვევლა უნაყოფო ლეღვის ხე. იესომ ხის შერისხვით აჩვენა, რომ ურწმუნო და უნაყოფო სულები ისეთივე მიუღებელია ღმერთისთვის, როგორც უნაყოფო ხე.

დიდი სამშაბათი დიდ სამშაბათს გრძელდება მათეს სახარების ორშაბათს დაწვებული საკითხავი იესო ქრისტეს მეორედ მოსვლის შესახებ. ამით წმინდა ეკლესია კიდევ ერთხელ და საგანგებოდ მოუწოდებს მორწმუნეებს სულიერი სიფხიზლისკენ, ბოძებული ნიჭისა და ძალების მართებული გამოყენებისკენ, განსაკუთრებით კი – მოწყალებისკენ.



ეკლესიებში ღვთისმსახურების დროს იკითხება იგავი ათი ქალწულისა და ტალანტების შესახებ, მეორედ მოსვლაზე და სამსჯავროზე. ქალწულებს ზეთის მოგროვება ევალებათ, რათა სიძის მოსვლისას ზეთით სავსე ფიალები აანთონ – მხოლოდ რწმენა და ღვთის მოლოდინი ადამიანს ვერ გადაარჩენს, თუ უფლის მოსვლის კამისთვის ზეთი – კეთილი, სათნო საქმეები არ ექნება დაგროვებული. ამის გარეშე „სიძე იგი“ არ მიიღებს ქალწულებს ქორწილში, გვასწავლის იგავი. ქორწილში სასუფეველი იგულისხმება, ქალწულებში კი ადამიანები.

ამ დღესაც მორწმუნეები მკაცრად მარხულობენ.

### დიდი ოთხშაბათი

ვნების კვირის ოთხშაბათი დააწესა ქრისტიანულმა ეკლესიამ იმ დღის აღსანიშნავად, როდესაც იუდამ გასცა მოძღვარი და სინედრიონის წევრებს აღუთქვა დახმარება მის შეპყრობაში, რისთვისაც 30 ვერცხელი მოითხოვა. ოთხშაბათის დამე მაცხოვარმა ბეთანიაში გაატარა. აქ, სიმონ კეთროვნის სახლში, იმ დროს, როცა მღვდელმთავრებს, მწიგნობრებსა და უხუცესებს იესო ქრისტეს მოტყუებით შეპყრობა და მოკვდინება პქონდათ გადაწყვეტილი, უცხო დედაკაცმა ძვირფასი ნელსაცხებელი მაცხოვარს უხვად დაასხა თავზე, რითიც, როგორც თავად მაცხოვარმა ბრძანა, იგი დასაფლველად მოამზადა.

დიდ ოთხშაბათს მორწმუნეთა განსწავლისათვის წმ. იოანე ოქროპირის მე-80 სიტყვაც იკითხება მათეს სახარების 26-ე თავის მე-6 მუხლის შესახებ. წმიდა მამა გემოდღვრავს განსაკუთრებით მოვერიდოთ სიძვისა და ვერცხლისმოყვარეობის დამღუპველ ცოდვებს. მისი სწავლებით, ვნების თვისება არ არის, მინაფლდეს შემდგომად ხორციელი დაკმაყოფილებისა, არამედ პირიქით, შემდგომად წადილის აღსრულებისა იგი უფრო მეტად მოიცავს ცოდვილი ადამიანის სულს.



დიდ ხუთშაბათის მსახურებაზე იესო ქრისტეს მიერ მოწაფეთათვის ფეხთა დაბანას, საიდუმლო სერობას, გეთსიმანიის ბაღში იესო ქრისტეს ღოცვას და იუდას მიერ მის გაცემას იხსენებენ. ამ დღეს ქრისტემ უკანასკნელი სერობა (ვახშობა) გაუმართა 12 მოციქულს. საიდუმლო სერობის დაწყებამდე მაცხოვარმა თავის თორმეტ მოწაფეს ფეხები დაბანა, ნიშნად სიმდაბლისა და მათდამი უსაზღვრო სიყვარულისა. დიდი ხუთშაბათის მსახურებაზეც მართლმადიდებელი ეკლესიების მღვდელმთავრები ფეხთბანის რიტუალს ატარებენ: მაცხოვრის მსგავსად მღვდელმთავარი თორმეტ მღვდელმსახურს ბანს ფეხებს.

### დიდი ხუთშაბათი

დიდ ხუთშაბათის მსახურებაზე იესო ქრისტეს მიერ მოწაფეთათვის ფეხთა დაბანას, საიდუმლო სერობას, გეთსიმანიის ბაღში იესო ქრისტეს ღოცვას და იუდას მიერ მის გაცემას იხსენებენ.

ამ დღეს ქრისტემ უკანასკნელი სერობა (ვახშობა) გაუმართა 12 მოციქულს. საიდუმლო სერობის დაწყებამდე მაცხოვარმა თავის თორმეტ მოწაფეს ფეხები დაბანა, ნიშნად სიმდაბლისა და მათდამი უსაზღვრო სიყვარულისა. დიდი ხუთშაბათის მსახურებაზეც მართლმადიდებელი ეკლესიების მღვდელმთავრები ფეხთბანის რიტუალს ატარებენ: მაცხოვრის მსგავსად მღვდელმთავარი თორმეტ მღვდელმსახურს ბანს ფეხებს.

მიუხედავად იმისა, რომ სათანადოდ მომზადებულ მორწმუნეს ზიარება წლის ნებისმიერ დროს შეუძლია, არსებობს დიდ ხუთშაბათს ზიარების ქრისტიანული ტრადიცია. ამ დღეს უზიარებლად დატოვება ერთ-ერთ მძიმე სასჯელად ითვლებოდა, თუმცა მცდარია შეხედულება, თითქოს დიდი ხუთშაბათის ზიარება რაიმეთი აღემატებოდეს სხვა დღეებში მიღებულს. უფლის სისხლი და ხორცი მარად უცვლელია.

დიდი ხუთშაბათის საღამოს სრულდება დიდი პარასკევის ცისკარი, რომლის დროსაც „თორმეტი სახარება“ ანუ ოთხი სახარებიდან ამოკრეფილი 12 ნაწივეტი იკითხება. მათში იესო ქრისტეს ის ვნებებია აღწერილი, რომლებიც ჯვარცმამდე შეემთხვა, დაწყებული მოწაფეთთან მისი უკანასკნელი საუბრიდან საიდუმლო სერობაზე, დამთავრებული მაცხოვრის სხეულის იოსებ არიმათიელის ბაღში დაფვლით და მისი საფლავისთვის მცველების მიჩენით.

„თორმეტი სახარების“ კითხვისას მორწმუნენი ანთებული სათლებით ხელში ღვანან, რაც, ერთი მხრივ, ჩვენი მსხველს მიმართ მხურვალე სიყვარულის გამოხატულებაა, მეორე მხრივ კი იმის ხსოვნა, რომ მაცხოვარს ღვთიური დიდება ვნების დროსაც არ დაუკარგავს. ყოველი სახარების წაკითხვის შემდეგ, სამრეკლოს ზარი იმდენჯერ ჩამოჰკრავს, რიგით მერამდენე სახარებაც იკითხება.

მიუხედავად იმისა, რომ დიდი ხუთშაბათი ვნების შვიდეულის დღეა, ის ხუთით ხსნილია, რადგან ეკლესიაში სრულდება სადღესასწაულო წირვა.

დიდი პარასკევი (წითელი პარასკევი) ყველაზე მძიმე დღეა ამ დღეს მოხდა ჯვარცმა და ხორციელი სიკვდილი უფლისა ჩვენისა იესო ქრისტესი.

იესოს მოძულე მღვდელმთავრებმა იუდას შემწევობით შეიპყრეს იგი და წარუდგინეს ურიასტანის მმართველს პონტოელ პილატეს და მისი ჯვარცმა ითხოვეს. იგი გოლგოთის მთაზე აიყვანეს, სადაც ებრაელები დამნაშავეებს სიკვდილით სჯიდნენ. მაშინ პასექის დღესასწაული იყო და ერთი დასასჯელის გათავისუფლება შეიძლებოდა. პილატემ ავაზაკი ბარაბა გამოიყვანა და იკითხა, რომელი გავათავისუფლოთო. ხალხმა ბარაბას გათავისუფლება ითხოვა. პილატე არ იყო დარწმუნებული ქრისტეს დანაშაულში, მაგრამ ხალხის შფოთს მოერიდა, ტაშტი მოატანინა, ხელები დაიბანა და თქვა, ამ საქმეში მე უბრალო ვარ. ამის შემდეგ, ხალხის მოთხოვნით, ქრისტე ჯვარს აცვეს.

დიდი პარასკევის სერობა მაცხოვრის ჯვრიდან გარდამოსხნასა და დასფლავებას ეძღვნება და, ჩვეულებრივ, დამის ორ საათზე აღევლინება, რადგან სწორედ ამ დროს მიიკვალა ჯვარზე იესო ქრისტე. მსახურების დაწყებამდე ტაძრის შუაგულში მზადდება ამდღებელი, ყვავილებით მორთული სადგამი – „საფლაო“, საკურთხეველში კი, წმინდა ტრაპეზზე დააბრძანებენ გარდამოსხნას, საგანგებოდ მოხატულ დიდ ქსოვილს, რომელზეც საფლაოში მაცხოვარია ამოქარგული.



საგალობლები, რომლებიც ამ დროს ივალდება, იესო ქრისტეს ვნებასა და ჯვარცმას ასახავს. სვიმეონ ღვთისმამრქმელის ღოცვის გალობისას შავ, სამგლოვიარო სამოსში გამოწყობილი მღვდელმსახური აკმევს გარდამოსხნას, რომელიც ჯერ კიდევ საკურთხეველშია დასვენებული, „მამაო ჩვენოს“ გალობის შემდეგ კი ტროპარის „მშვენიერმა იოსებ ძელისაგან გარდამოსხნა უხრწნელი გვამი შენი“ გალობით მღვდელმსახურები წმინდა ტრაპეზიდან, როგორც გოლგოთიდან, აიღებენ გარდამოსხნას, თავს ზემოთ ასწევენ, საკურთხეველიდან გამოასვენებენ, ტაძარში შემოატარებენ. ამის შემდეგ სამღვდლოება და მლოცველები დიდ მეტანიას ასრულებენ გარდამოსხნის წინაშე და ეამბორებიან მას.

გარდამოსხნა ტაძრის შუაგულში არასრული სამი დღის განმავლობაში რჩება – მაცხოვარი ხომ აღდგომამდე სამი დღე იყო საფლაოში.

სერობის შემდეგ, საღამოს შესაძლოა მწუხრიც, ე.წ. ღვთისმშობლის გოდებაც აღევლინოს.

დიდი პარასკევი მთელი წლის განმავლობაში ყველაზე მძიმე მარხვის დღეა და მოძღვრის კურთხევით მორწმუნეთაგან ზოგი მთელი დღის განმავლობაში არაფერს იღებს, ზოგი კი მხოლოდ პურსა და წყალს.

მორწმუნეები ამ დღეს ასევე კვერცხებს წითლად ღებავენ და პასკებს აცხობენ. წითელი კვერცხის მსგავსად პასკასაც რელიგიური დატვირთვა აქვს. უფლის ჯვარცმა იუდეველთა პასექის დღესასწაულზე მოხდა.

### დიდი შაბათი

დიდი შაბათის ღვთისმსახურება იესო ქრისტეს ხორციით საფლაოში, სულით კი ჯოჯოხეთში ჩასვლას და, ბოლოს, მაცხოვრის მკვდრეთით აღდგომას ეძღვნება.

ამ დღეს, დილით ადრე, სრულდება გარდამოსხნის შემოტარება ეკლესიის გარშემო, რის შემდეგაც, მას შუა ტაძარში დაასვენებენ. ეს რიტუალი მომასწავებელია უფლის წმიდა სხეულის გადმოსვენებისა ჯვარცმის ადგილიდან მისთვის გამზადებულ საფლაოში, სრულდება წირვა, ხოლო ამის შემდეგ, მორწმუნეები ემზადებიან იესო ქრისტეს ბრწყინვალე აღდგომის შესახვედრად.

დიდი შაბათი ერთადერთი შაბათია წლის განმავლობაში, როდესაც დაშვებულია და სავალდებულო მკაცრი მარხვა; ამასთან, ვინც აღდგომის წირვაზე ზიარებისათვის ემზადება, საღამოს 8 სთ-ის შემდეგ საზრდელი აღარ უნდა მიიღოს, ამ დღეს, როგორც უკვე აღვნიშნეთ, აღარ იკითხება წმიდა ეფრემ ასურის სინანულის ღოცვაც.

ყოველი წლის დიდ შაბათს მაცხოვრის საფლაოზე მადლმოსილი ცეცხლი გადმოდის და ეს ამტიციებს მართლმადიდებელი სარწმუნოების ჭეშმარიტებასა და დიდებულებას.

## რა გადაწყვეტილებები მიიღეს საკოორდინაციო საბჭოზე შეზღუდვებთან დაკავშირებით - საბჭო მოსახლეობას რეკომენდაციით მიმართავს

უწყებათაშორისი საკოორდინაციო საბჭო კიდევ ერთხელ მოუწოდებს მოსახლეობას, მაქსიმალურად დაიცვან რეგულაციები და უარი თქვან ხალხმრავალ შეკრებებზე. ასევე, როგორც საჯარო, ისე კერძო სექტორს კიდევ ერთხელ მოუწოდებს, გადავიდნენ მუშაობის დისტანციურ რეჟიმზე, ხოლო ხანდაზმულებს მიმართავს რეკომენდაციით, მაქსიმალურად დარჩნენ სახლში. ამის შესახებ ნათქვამია მთავრობის ადმინისტრაციის მიერ გავრცელებულ ინფორმაციაში.

საკოორდინაციო საბჭოს სხდომაზე, რომელიც პრემიერ-მინისტრ ირაკლი ღარიბაშვილის ხელმძღვანელობით ვიდეოკონფერენციის ფორმატში გაიმართა, იმსჯელეს ინფიცირების შემთხვევების მატებასა და ეპიდვითარების გაუარესების ტენდენციას, როგორც მთელს მსოფლიოში, ისე - საქართველოში. აღინიშნა, რომ არსებული სურათის გათვალისწინებით, განსაკუთრებული მნიშვნელობა ენიჭება პრევენციული ღონისძიებების ზედმიწევნით დაცვას და აღსრულებას.

“მკაცრი შეზღუდვების თავიდან აცილებისა და ეპიდემიოლოგიური მდგომარეობის კიდევ უფრო დამძიმების თავიდან აცილების მიზნით, უწყებათაშორისი საკოორდინაციო საბჭოს გადაწყვეტილებით, ქვეყანაში კვლავ ნარჩუნდება შეზღუდვა გადაადგილებაზე 21:00-05:00 საათამდე პერიოდში; ასევე, ძალაში რჩება შაბათ-კვირას კვების ობიექტებთან დაკავშირებით მოქმედი შეზღუდვა, რაც ნიშნავს იმას, რომ ისინი მუშაობენ მხოლოდ გატანის სერვისზე;

ამასთან, საკოორდინაციო საბჭოს გადაწყვეტილებით, მაქსიმალურად გამკაცრდება იზოლაციაში მყოფი პირების, კონტაქტების და ქვეყანაში შემოსვლელელების თვითიზოლაციის კონტროლი; ასევე - საზღვარზე შემოსული პირების პისიარ-კვლევის ჩატარების მონიტორინგი 72 საათის გასვლის შემდეგ;

საწარმოებში, სადაც გამოვლინდება შემთხვევები, მაქსიმალურად უნდა გამკაცრდეს ეპიდემიოლოგიური უსაფრთხოების ზომები და დამსაქმებელთა მაქსიმალური ჩართულობით, უზრუნველყოფილი უნდა იყოს აქტიური ტესტირება;

კიდევ უფრო მკაცრად გაკონტროლდება პირბადის სწორად მოხმარება და დისტანციის დაცვა, ასევე ხალხმრავალი შეკრებები, მათ შორის სოციალური ღონისძიებები, რომელთა გამართვა მთავრობის დადგენილებით აკრძალულია;

საკოორდინაციო საბჭო კიდევ ერთხელ მოუწოდებს მოსახლეობას, მაქსიმალურად დაიცვან დადგენილი რეგულაციები, გამოიყენონ პირბადე, დაიცვან სოციალური დისტანცია და უარი თქვან ხალხმრავალი შეკრებების ორგანიზებასა თუ მათში მონაწილეობაზე, რათა თავიდან იყოს აცილებული ქვეყანაში ეპიდემიოლოგიური ვითარების მკვეთრი დამძიმება და მკაცრი შეზღუდვების დაწესების აუცილებლობა.

სხდომაზე, ასევე, განიხილეს ქვეყანაში მიმდინარე ვაქცინაციის პროცესის კიდევ უფრო გააქტიურების მნიშვნელობა. აღინიშნა, რომ უახლოეს მომავალში ქვეყანა ვაქცინების ახალ დოზებს მიიღებს. პარალელურად, პრემიერ-მინისტრის დავალებითა და უშუალო ჩართულობით, გრძელდება აქტიური მოლაპარაკებები ვაქცინის მწარმოებლებსა და პარტნიორ სახელმწიფოებთან, დამატებითი დოზების რაც შეიძლება მოკლე ვადაში მობილიზების მიზნით. ამასთან, ვაქცინაციის გაფართოების გეგმის შესაბამისად, ვაქცინაციაში ჩართული პრიორიტეტული ჯგუფები ეტაპობრივად გაიზრდება, რათა კოვიდ-19-ის საწინააღმდეგო ვაქცინით აცრის პროცესი მაქსიმალურად სწრაფი ტემპით წარიმართოს.

საქართველოში კორონავირუსის პირველი შემთხვევის გამოვლენიდან დღემდე, ვირუსით ინფიცირების 299 038 ლაბორატორიულად დადასტურებული შემთხვევა გამოვლინდა, საიდანაც 282 869 პირი გამოჯანმრთელდა, გარდაცვლილია 3 971 ადამიანი.

ამ ეტაპზე კარანტინში იმყოფება 249 ადამიანი, კლინიკურ სასტუმროებში - 575 მოქალაქე, ხოლო სტაციონარში, მეთვალყურეობის ქვეშ - 3363 პირი.

პრემიერ-მინისტრის ხელმძღვანელობით მოქმედი უწყებათაშორისი საკოორდინაციო საბჭოს მუშაობაში აქტიურად მონაწილეობენ საქართველოს პარლამენტი, თავმჯდომარე არჩილ თალაკვაძის ხელმძღვანელობით და პრეზიდენტის ადმინისტრაცია”, - ნათქვამია ინფორმაციაში.

## იმსჯელეს შიდა ქართლში არსებული ეპიდემიოლოგიური მდგომარეობის შესახებ

დაავადებათა კონტროლისა და საზოგადოებრივი ჯანმრთელობის ეროვნული ცენტრის ხელმძღვანელი ამირან გამყრელიძე შიდა ქართლის სახელმწიფო რწმუნებულს მამუკა საღარეიშვილს, გორისა და ატენის მიტროპოლიტს მეუფე ანდიას, მუნიციპალიტეტების მერებს და საზოგადოებრივი ჯანდაცვის ცენტრების ხელმძღვანელებს შეხვდა. შეხვედრაზე მხარეებმა რეგიონში არსებული ეპიდემიოლოგიური მდგომარეობა შეაფასეს. ასევე, მოსალოდნელ პროგნოზებზეც იმსჯელეს და ხაზი გაუსვეს ჯანდაცვის სამინისტროს რეკომენდაციების დაცვის აუცილებლობას.

როგორც რწმუნებულმა აღნიშნა, შიდა ქართლში ამ დროისთვის დადებითი შემთხვევების მნიშვნელოვანი მატება არ არის, თუმცა მდგომარეობის გაუარესების თავიდან ასაცილებლად სიტუაცია მაქსიმალურად კონტროლდება. „მართალია, შიდა ქართლში შემთხვევების საგანგაშო მატება ჯერ არ გვაქვს, მაგრამ ფაქტია, რომ სამწუხაროდ, ქვეყნის მასშტაბით, უკვე რამდენიმე დღეა, იმატებს შემთხვევები. დაავადებათა კონტროლის ცენტრის ხელმძღვანელთან ერთად, ვისაუბრეთ ამ მიმართულებით რეგიონში არსებულ მდგომარეობაზე, არსებულ რესურსებზე როგორც ინფრასტრუქტურული, ისე ადამიანური რესურსის კუთხით”, - განაცხადა მამუკა საღარეიშვილმა.



## ტრენინგი, რომელიც საქმის წარმოების გამჭვირვალობას და თვითმმართველობის ეფექტურობას შეუწყობს ხელს

საქართველოს რეგიონული განვითარებისა და ინფრასტრუქტურის სამინისტროს ეგიდით, მსოფლიო ბანკის დაფინანსებითა და თბილისის მუნიციპალიტეტის მერიის მხარდაჭერით, მუნიციპალური სერვისების განვითარების სააგენტო (MSDA) ახორციელებს პროექტს „საქართველოს მუნიციპალიტეტებში ელექტრონული სერვისების დანერგვა და განვითარება“.



ხაშურის მუნიციპალიტეტში პროექტით გათვალისწინებული დანერგვის ეტაპი დაიწყო. თანამშრომელთა გადამზადება აქტიურ რეჟიმში მიმდინარეობს.

ტრენინგებს უძღვება ა(ა)იპ „მუნიციპალური სერვისების განვითარების სააგენტო“-ს ბიზნეს ანალიტიკოსი გიორგი რაზმაძე. პროექტი ქვეყნის 63 მუნიციპალიტეტში ერთიანი ელექტრონული სისტემის შექმნას ითვალისწინებს.

პროექტის მიზანია ელექტრონული მმართველობის ერთიანი სტანდარტის შექმნის გზით ადგილობრივი თვითმმართველობის ეფექტურობისა და გამჭვირვალობის გაზრდა, რაც თავის მხრივ, უზრუნველყოფს თვითმმართველობების გაძლიერებას, საქმის წარმოების გამჭვირვალე პროცესებს, ელექტრონულ სერვისებზე ონლაინ წვდომის შესაძლებლობასა და შემცირებულ ბიუროკრაციას.

# ვიცავთ გარემოს, ნიშნავს - ვიცავთ საკუთარ თავს

22 აპრილს, დედამიწის დღესთან დაკავშირებით, ხაშურის მუნიციპალიტეტში გარემოსდაცვითი ღონისძიებები განხორციელდა.



დასუფთავდა ხაშურიდან სოფელ ხცისამდე მიმავალი გზის მიმდებარე ტერიტორია.

აქციაში ჩართულები იყვნენ სამხარეო რწმუნებული მამუკა საღარეიშვილი, რწმუნებულის მოადგილე ნუგზარ სამხარაძე, ხაშურის მუ-



ნიციპალიტეტის მერის მოვალეობის შემსრულებელი ზვიად ქურდაძე, საკრებულოს თავმჯდომარე მიხეილ ჯანაშიელი, მუნიციპალიტეტის საკრებულოს და მერიის სხვა წარმომადგენლები. ასევე, ორგანიზაცია ა(ა)იპ „ხაშურსერვისი“.

დედამიწის საერთაშორისო დღე 192 ქვეყანაში აღინიშნება, საქართველო მათ რიცხვს 1990 წლიდან შეუერთდა.

სოფელ ხცისამდე მიმავალი გზის მიმდებარე ტერიტორიაზე გამართული გარემოსდაცვითი ღონისძიება, ხაშურის მუნიციპალიტეტის მერიის ორგანიზებით ჩატარდა.

# სურამში, სარაჯიშვილისა და ამაღლების ქუჩების რეაბილიტაციის პროექტები ხორციელდება



სარაჯიშვილის ქუჩის მოასფალტების სამუშაოები აქტიურ რეჟიმში მიმდინარეობს.

პროექტის ღირებულება 187 563 ლარია. სამუშაოებს ტენდერში გამარჯვებული კომპანია „ჰედფუ ჯორჯია“ ახორციელებს.

„ჰედფუ ჯორჯია“ მუშაობს ამაღლების ქუჩის რეაბილიტაცი-

აზეც. მოასფალტების სამუშაოები ადგილობრივი ბიუჯეტიდან ფინანსდება. პროექტის ღირებულება 155 377 ლარია.

ამაღლებისა და სარაჯიშვილის ქუჩები სურამის მჭიდროდ დასახლებულ უბნებს წარმოადგენს. შესაბამისად, მოასფალტებული გზით 500-ზე მეტი ადგილობრივისა და დამსვენებლის გადაადგილების პირობები გაუმჯობესდება.



## - გენდერული თანასწორობა -

# ისაუბრეს ქალთა უფლებრივ მდგომარეობასა და ამ მხრივ, რეგიონში არსებულ გარემოზე

ამ დღეებში, ხაშურში, არასამთავრობო ორგანიზაცია „საფარის“ იურისტმა ცირა ჯგერენაიამ, ახალგაზრდებთან ერთად გამართა შეხვედრა ადგილობრივ ქალებთან და გოგონებთან. „საფარის“ ხაშურის მესამე საჯარო სკოლის მეათე კლასის მოსწავლეები: მარიამ ლომიძე, ანი გორგაძე და ნინო გიგაშვილი მასპინძლობდნენ.

ქალთა მიმართ გენდერული ნიშნით ძალადობა, ქალთა მიმართ ოჯახში ძალადობა, დისკრიმინაციული მოპყრობა, ქალთა მიმართ ჩადენილი სქესობრივი დანაშაული, სექსუალური შევიწროვება,- ის ძირითადი აქცენტებია, რაზეც შეხვედრის სტუმარმა, იურისტმა ცირა ჯგერენაიამ ვრცლად ისაუბრა თემის პრეზენტაციებისას.



ცირა ჯგერენაია, „საფარის“ იურისტი: „დღევანდელი დღის მიზანი იყო, რომ არასამთავრობო ორგანიზაცია „საფარმა“, რაც შეიძლება მეტ

ქალს და გოგონას მივაწვდინოთ ხმა, მივაწოდოთ ინფორმაცია მათი უფლებების შესახებ, დავეხმაროთ ძალადობის ფორმების იდენტიფიცირებაში და ჰქონდეთ წვდომა იმის შესახებ, თუ რა გზით შეიძლება დაიცვან თავი ძალადობისაგან.“

შეხვედრის მონაწილეებმა ისაუბრეს აპლიკაცია Safe You-ს შესაძლებლობებზე, საჭიროებასა და გამოყენების ინსტრუქციაზე. დისკუსიის რეჟიმში განხილულ იქნა Safe You-ს შესაძლებლობები და თავდაცვის გზები. საუბარი, ასევე შეეხო ქალთა უფლებრივ მდგომარეობას და ამ მხრივ, რეგიონში არსებულ გარემოს.

„შეხვედრა ინტერაქტიულად მიმდინარეობდა და მონაწილეებმა შეძლეს,

მიეღოთ პასუხები მათთვის საინტერესო კითხვებზე. განსაკუთრებით მაღალი იყო ადგილობრივი გოგონების ჩართულობა, როგორც შეხვედრის ორგანიზებისას, ასევე - მიმდინარეობის დროს. ისინი დაინტერესებულნი არიან ქალთა უფლებრივი მდგომარეობის გაუმჯობესებით თავიანთ თემში და აპირებენ მომავალშიც მიიღონ მონაწილეობა აქტივობებში, რომელიც ქალთა უფლებების მიმართ საზოგადოებრივი მგრძობილობის ზრდას შეუწყობს ხელს“, - განაცხადა ცირა ჯგერენაიამ.

მარიამ ლომიძე, ხაშურის მე-3 საჯარო სკოლის მოსწავლე: „ჩვენ ვაპირებთ, რომ სხვა სახის შეხვედრებიც მოგაწყობთ, ისეთი გარემო შევქმნათ, სადაც ერთმანეთისთვის ისტორიების გაზიარება შეგვეძლება. ვგუგავთ წამოვიწყოთ ონლაინ კამპანია, რაც უფრო მასშტაბური იქნება და ბევრი ადამიანი ჩაერთვება. აქედან გამომდინარე, ვაპირებთ რომ გავფართოვდეთ.“

თეა ახალკაცი

(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ.#1,2,3,4,5,6,7,8,9,10,11,)

იმავე წლის 12 სექტემბერს, „ივერიაში“ გამოაქვეყნა ცნობა მ სუხივეის (სუხიაშვილი) მიერ ქმშკვს – ისათვის ხელნაწერების შეწირულობის შესახებ: „წერა – კითხვის საზოგადოების“ წინათსაცავს შემოსწირა ზემო ჭალის მღვდელმა მათე სიხივემა შემდეგი წიგნები: 1) ხრონოგრაფია არჩილ მეფისა, მხედრული ხელთნაწერი; 2) ჟამნი, ლოცვანი და სადღესასწაულო, ერთწიგნად, ხუცური ხელთნაწერი და 3) ტიბიკონი, დაბეჭდილი მეფე ვახტანგის დროს 1710 წელს. გამგებობა საზოგადოებისა გულითადად მადლობას უძღვნის შემომწირველს“.

ე. თაყაიშვილმა, თბილისში დაბრუნების შემდეგ, 1889 წლის 11 სექტემბერს, ქმშკვს – ის გამგებობის სხდომაზე წინადადება შეიტანა სოფ. ზემო ჭალაში საზოგადოების აგენტად მღვდელ მათე სუხივეის (სუხიაშვილი) დანიშვნის შესახებ. სხდომა, რომელსაც ესწრებოდნენ ივანე მაჩაბელი, ნიკო ცხვედაძე, დ. ფაველინიშვილი, გიორგი იოსელიანი და ნიკო მთვარელაშვილი, ერთხმად მიიღო „აზრი გამგებობის წევრის თაყაიშვილისა, რომ ს. ზემო ჭალაში აგენტად დაინიშნოს მღვდელი სუხივეი“.

ე. თაყაიშვილმა შეისწავლა და გამოაქვეყნა ეკლესიაში დაცული ყველა მნიშვნელოვანი ნივთი და ხელნაწერი, მათ შორის განსაკუთრებით ვრცელი გამოკვლევა მიუძღვნა X საუკუნის პირველხარისხოვან ძეგლს – პარხლის ხელნაწერს და XVI ს-ის ოქრომჭედლობის შესანიშნავ ნიმუშს – დვთისმშობლის ვერცხლის კარედი-ხატს.

„ზემო ჭალაში, – ივანეებს ე. თაყაიშვილი, – იქაურ მღვდელთან, გვარად სუხივეთან ვნახე ერთი შესანიშნავი ხელნაწერი, რომელიც ახლა „პარხლის სახარების“ სახელითაა ცნობილი. რადგან მღვდელმა არაფრით არ ინდომა მოცემბა, დავიწვე მასთან სიარული და დავიწვე შესწავლა ხელნაწერისა“.

ე. თაყაიშვილმა გაარკვია, რომ „... ხელნაწერში ყველაფერი სრულად იყო დაცული და, მეორეც, რომ იგი გადაწერილი ყოფილა იმავე იოანე ბერის მიერ, რომელსაც გადაუწერია შატბერდის კრებული... ოღონდ შატბერდის ხელნაწერი უთარილო იყო და მას კი ეწერა თარიღი: ქართული ქორონიკონიკა და ქვეყნის შექმნიდანაც – ჩვენი წელთაღრიცხვით 973 წელი“. ცნობილი ქართველი ისტორიკოსის დ. ბაქრაძის მიერ შატბერდის კრებული დათარიღებული იყო IX საუკუნით.

ე. თაყაიშვილმა, დ. ბაქრაძის მოსაზრების საპირისპიროდ, პარხლის ხელნაწერის მიხედვით დაადგინა, რომ „...X საუკუნე გამოვიდა შატბერდის კრებულის ხნოვანებაც, რაკი ერთისა და იმავე გადაწერის ნახელავი ყოფილა ორივე ხელნაწერი“.

„ეს უკვე მნიშვნელოვანი აღმოჩენა იყო. გარდა ამისა, მინაწერში ნათქვამია, რომ იოანე ბერამ კრებული შატბერდში კი გადაწერა, მაგრამ პარხლის ახალი ეკლესიისათვის. ამიტომ დავარკვით „პარხლის ხელნაწერი“ – აღნიშნავს ექვთიმე.

ე. თაყაიშვილმა ხელნაწერის გადაღებაც სცადა ჯერ ფოტოგრაფ ერმაკოვის დახმარებით, მაგრამ არ მოხერხდა, „რადგან ეტრადი ძალიან გაყვითლებული იყო.“ შემდეგ, 1894 წელს, ცნობილი მხატვარ-გრაფიკოსი გ. ტატიშვილის დახმარებით მთლიანად აღმოიღო ხელნაწერი და მოგვიანებით გამოაქვეყნა.

ე. თაყაიშვილი შეეცადა, შეეძინა ეს ხელნაწერი, მაგრამ „ვერაფრით, ვერა ფასად ვერ მოვაყიდვინე ზემოჭალელ მღვდელ სუხიაშვილს პარხლის ხელნაწერი“ – ამბობს ე. თაყაიშვილი.

პარხლის სახარება ნაწერია მაგარ და კარგად შენახულ ეტრატზე ხუცური ასომთავრულით. ტექსტი ნაწერია ორ სვეტად. თითოეულ სვეტში 20-20 სტრიქონია. სათაურები, ზოგიერთი მეთაური ასოები და იშვიათი სტიქონები შესრულებულია წითელი მეღვინით, დანარჩენი ტექსტი კი შავი მეღვინით.

ხელნაწერი შეიცავს 248 ეტრატის ფურცელს, ბოლოს მიმატებულია ქალაქის 21 ფურცელი, რომელზეც სხვა ხელით შედგენილია „სარჩევი და საძიებელი.“ ეს „სარჩევი და საძიებელი“ შედგენილია 1744 წელს არხიდაკონის ნიკოლოზის მიერ. მანვე აღადგინა და გამართა ეს ხელნაწერი. 1739 წელს, კერძოდ, მან აღადგინა ხელნაწერის პირველი რვა ფურცელი, რომლებიც საგრძნობლად განსხვავდებიან დანარჩენი ფურცლებისაგან. ეტრატის ეს ფურცლები უფრო თხელი, რბილი, თეთრი და ახალია სხვებზე. ამავე დროს მეღვინე ძლიერ შავია, ძველი ტექსტებისა კი შედარებით მქრალია და რაც მთავარია, ამ ფურცლების ხელი საგრძნობლად განიწმინდა ძველისგან.

ასევე აღადგინა ხელნაწერში მათეს სახარების დაკარგული ერთი ფურცელი.

ხელნაწერი ხის მაგარ, შავ ტყავადაკრულ ყდაშია მოთავსებული, რომლის ზედაპირზეც გამოხატულია ჯვარცმა. ხელნაწერს მათეს სახარების ბოლოში გაკეთებული აქვს ნუსხა-ხუცური წვრილი და ლამაზი ასოებიანი მინაწერი: „ქ(რისტე) მეუფეო, ყ(ოვლი)სა მპყრობელო, შეიწყალე გლახაკი იოვანე, მწერალი ამის წიგნისაი, მ(ეო)სებითა წ(მიდა)თა მახარებელთა შ(ე)ნთა თანა“.

ამავე ფურცლის მეორე სვეტში მერმინდელი მინაწერია ხუცური უღამაზო ასომთავრულით: „მოიხსენე, უფალო, კანდელაკი მღვდელი იოვანე, ამინ“.

ამ მინაწერს მოსდევს ასევე გვიანდელი ნუსხა-ხუცური შესრულებული მინაწერი: „ადიდეს უფალმან ბატონი ვახუშტი აბაშიძე, რომლის ბრძანებითა ვმართავ სათვალავსა წმინდისა ამის სახარებისას მე კინდა სახელისა (ს-ხელისა) მთავარ დიაკონი ნიკოლოზ (ნიკ-ზ), მრავალჟამიერ ყოს უფალმან ორსავე შინა კეთილათ (კ-ლთ) ცხოვრებასა. გვედრები ყოველთა, უფალთა ჩვენთა, რათა ჩემ უბადრუკისათვის მცირედსა ხსენება ყოთ. ჩემთა შეწყალებათათვის თქვენცა უფალმან წყალობა გცეს დღესა-მას განკითხვისასა“.

მაინც როგორ მოხვდა პარხლის ცნობილი ხელნაწერი ზემო ჭალის ეკლესიაში? ამ მხრივ ძალზე საინტერესოა მისი თავგადასავალი, რაზეც თავად ხელნაწერის მინაწერები მოგვითხრობენ.

მარკოზის სახარების დასასრულს, ტექსტისავე ხელით, ლამაზი ნუსხა-ხუცურით წერია: „ქ(რისტე)ე, შეიწყალე ბერაი წერალი, ამინ“.

იოვანეს სახარების შემდეგ ისევ ლამაზი ნუსხა - ხუცურით ტექსტისავე ხელით გაკეთებულია მინაწერი (რომელსაც ბოლოში ერთი სტრიქონი აკლია): „უფალო, იესო ქრისტე ცხოველთა და მკვდართა მეუფეო, შეიწყალე იოვანე ბერაი, მწერალი ამისი, გლახაკი სულითა, მეოხებითა წმიდათა მახარებელთა შენთათა. წმინდანო დუთისანო, ვინ იკი(თხვიდეთ)...“.

ხელნაწერის ეტრატის ბოლო ფურცლის წინა ფურცელზე მოთავსებული იმავე ხელით შესრულებული ვრცელი წარწერა გვამცნობს შემდეგს: „სახელითა მამისათა და დისათა და სულისაწმინდისათა, მეოხებითა წმიდისა და ყოველად დიდებულისა დუთის – მშობლისა, მარადის ქალწულისა მარიამისთა, ძალითა ცხოველს ყოველისა პატიოსნისა ჯვარისათა, მეოხებითა წმიდისა და ნეტარისა წინასწარმეტყველისა იოვანე ნათლისმცემლისათა, მეოხებითა და შეწევნითა წმიდათა და ყოველთა ქებულთა მოციქულთათა

და წმიდათა წინასწარმეტყველთათა, მეოხებითა წმიდათა მახარებელთათა მათე, მარკოზ, ლუკა და იოვანესითა, მეოხებითა წმიდათა მოწამეთათა და ღირსთა მღვდელთ მოძღუართათა და ნეტართა მამათათა, ღირს ვიქმენ მე გლახაკი იოვანე, ნართუელად ბერაი, აღსრულებათ წმიდასა ამას სახარებასა, ოთხოვსა, მოღვაწეობითა სულისა წმიდისათა და შეწევნითა დუთით (ლ-თ) შემოსილთა კაცთათა, სალოცველათ სულისა ჩემისა ცოდვილისა და სამოძღვრებლად თავისა ჩემისა, და სალოცველად სულსა ყოველსა ჩემთასა და ყოველთა თვისთა ჩუენთათვის სულიერთა და ხორციელთა, და სალოცველად მეფეთა ჩუენთათვის: დუთივ დაბადებულისა ბაგრატ ქართველთა მეფისა, მაგისტროსისა, სუმბატ ერისთავთა ერისთავისა და დუთივ მონიჭებულთა მეთა მათთათვის. ქტისტემნა ყოველნი ადიდენინ მოწყალებითა მისით ჟამთა უკუნისამდე.

აწ ვინცა ღირს იქმნეთ აღმოკითხვად და მსახურებათ წმიდასა ამას სახარებასა მოიხსენეთ სული ჩემი ცოდვილი წმიდათა შინა ღოცვათა თქვენთა, და ყოველთა ერთობით მოგვანიჭენინ ღმერთმან კეთილნი საუკუნენი, და ყოველნი ღირციმცნა ვართ სასუფეველთა ცათა და სანატრელსა. მის ხმის სასმენად ქრისტეი იესოის მიერ, დუთისა ჩუენისა ძისა, დიდება ეკლესიასა შინა მამისა თანა სულით წმიდითურთ საუკუნეთა მიმართ საუკუნეთასა, ამინ.

დაიწერა დასაბამითგან წელთა სფოზ. ქორნიკონი იყო მეცამეტედ ქცეული რეგ.

ამ მინაწერს მოსდევს ბერძნული წარწერა: „ქრისტე შეეწიოს. იოანემ დასწერა. ამინ.“ აქვე, მეორე სვეტზე არის გვიანდელი მინაწერი: „მოიხსენა უფალო მონა შენი კანდელაკი მღვდელი ივანე. ამინ, ამინ, ამინ“.

ხელნაწერზე იოანე-ბერას ანდერძის ქვემოთ მოთავსებულია მისივე ნუსხა-ახუცურით ნაწერი სხვა ანდერძი, რომელშიც ნათქვამია: „შეესწირე წმინდასა ეკლესიასა პარხლისასა (იოვანე ნათლისმცემლისასა)“.

ხელნაწერის უკანასკნელ ეტრატის ფურცელზე ნუსხა ხუცურით მიწერილია ანდერძი: „წინაშე ახალსა ეკლესიასა, ახალსა საკურთხეველსა ზედა დიდვას სადიდებლად დუთივ გვირგვინისა მეფეთა მეფისა, ადიდენინ ღმერთ-მაგისტროსისა, მამობასა სარწმუნოისა მწყემსისა და კეთილად მოღვაწისა წმიდისა მამისა ეფთიმესა...“

აწ ვინცა ვინ რისაცა მიზეზითა გამოახუას წმიდასა ნათლისმცემელსა, ანუ გაძღუნოს ივინი, გაყიდოს და ჩუენი სახეიდელი და გულისმოდგინებაი დაამხუას, გამცაურისხდების თავადი ღმერთი, და ნაწილიცა მისი იუდასთან არს ისკარიოტელსა, და წმიდისა იოვანე ნათლისმცემელისა მკველთამაცა თანა დაიშჯების და ესე წმიდანს მახარებელნი არიან მსაჯულნი მისნი დღესა მას აღდგომისასა საშინელსა, ოდეს ყოველი დაბადებული წარმოდგეს განკითხვად მსაჯულსათა, რომლისა არს დიდება უკუნი-უკუნისამდე, ამინ.

და ამასვე პირსა ზედა მეფეთა სიმტიცე დაწერინ, ადიდენინ ღმერთმან. მე, იოანე-ბერამან, მწერალმან შატბერდელმან, შატბერდს დაწერე და პარხალს შეწერე სალოცველათ ყოველთა ძმათა შატბერდელთა. ყოველნი აკურთხენინ ღმერთმან!“

როგორც ვხედავთ, იოანე-ბერას 973 წელს შატბერდში გადაწერილი ხელნაწერი პარხლის ახლად აშენებულ იოანე ნათლისმცემლის ეკლესიისთვის შეუწირია. ამავე დროს სასტიკად დაუწყველია ყველა, ვინც „რათაცა მიზეზით“ ამ წიგნს ეკლესიიდან გამოიტანდა განუქების („გაუძღუნოს“) ან გაყიდვის მიზნით.

შემდგომში ხელნაწერი დიდი ხნის მანძილზე პარხლის ეკლესიაში ინახებოდა, მაგრამ როცა ტაო-კლარჯეთი ოსმალებმა დაიპყრეს მათ არაფრად მიუჩნევათ ქართველი მწიგნობრის წყველა-შეწვენება და ხელნაწერი მათი ნადავლი გამხდარა.

მხოლოდ 1739 წელს გახდა შესაძლებელი, ოსმალთა ხელიდან ვახტანგ VI-ის სიძეს – ანუკა ბატონიშვილის მეუღლეს – ვახუშტი აბაშიძეს გამოეხსნა დატყვევებული ძვირფასი ხელნაწერი. მას თავის უმცროსი შვილისთვის – ნიკოლოზისთვის დაუვალდებოდა ხელნაწერის აღდგენა-განახლება. ნიკოლოზი დიდი გულისხმიერებით მოკიდებია მინდობილ საქმეს, შეუყვსია ოთხოვანის დაკლებული ადგილები, თავებად და მუხლებად დაუყვია მთელი ტექსტი და დაურთავს საკითხავთა საძიებელი. ამ საქმიანობაზე აღდგენილ ფურცლებზე მისივე ხელით მინაწერ ანდერძში ნათქვამია: „ქ მას ჟამთა, ოდეს საათაბაგონი წმიდისა სარწმუნოებისაგან განსრულიყვენ და სარკინოზნი შექმნილიყვენ, ეს წმინდა სახარება იქაური ყოფილიყო და უსჯულოთაგან დატყვევებულიყო. და დიდად სახელოვნობით გამოჩენილის მეფედ სიმობით მეოფს და თვით მეფის ვახტანგის სიძეს, აბაშიძეს ვახუშტის, ეს წმინდა სახარება თათრის ხელით დიდის სურვილით და სასოებისანი გულით დაეხსნა.

კვალად ჭინახული და ხელმეორეთ განახლება მნახავთა იუწყეთ: ჩვენ, სურვილითა და სიყვარულით შეტკობილმა ბატონის მამის ჩვენის უმცროსმა შვილმა და მეფეთ მეფის ვახტანგის ასულის ბატონიშვილი ანუკას ძემან, თვით აბაშიძემ ნიკოლოზ, ვიგულსმოდგინე, და შენ, დიდსა დუთისასა, წმინდასა მღთისმშობელსა ხახულისასა, ციხესა შინა, წმინდასა შენსა სადგურსა ეკლესიასა, ბულბულის ციხის პატარას საყვარში დავიდევით და შამოგწირეთ წმინდა ესე ოთხოვანი. თვესა სეკდებერსა (8), ქორნიკოს უკზ“.

ერთ-ერთი მინაწერი გვამცნობს ხელნაწერის ხელმეორედ გამართვის მიმდინარეობასაც. მასში ნათქვამია: „ადიდეს უფალმან ბატონი ვახუშტი აბაშიძე, რომლისა ბრძანებითა ვმართავ სათვალავსა წმინდისა ამის სახარებისას მე კინდა სახელისა (ს-ხელისა) მთავარ დიაკონი ნიკოლოზ (ნიკ-ზ), მრავალ ჟამიერ ყოს უფალმან ორსავე შინა კეთილათ (კ-ლთ) ცხოვრებასა. გვედრები ყოველთა, უფალთა ჩვენთა, რათა ჩემ უბადრუკისათვის მცირედსა ხსენება ყოთ; ჩემთა შეწყალებათათვის თქვენცა უფალმან წყალობა გცეს დღესა-მას განკითხვისასა“.

1744 წელს ნიკოლოზს დაუმთავრებია ხელნაწერის განახლება, რაზეც საძიებლის ბოლოს დართული ანდერძი მიგვანიშნებს: „უფალმან განაძლიეროს და ადიდეს ორსავე ცხოვრებასა ბატონი აბაშიძე ვახუშტი, რომლისა ბრძანებითა ძუელად ნაწერი მერგლოვანი ესე წმიდა სახარებაი კვალად გაემეხლე სათვალავით და საძიებლითურთ. გვედრები მკითხველთა, რათა მცირედმცა ხსენებას ჰყოფდეთ ჩემ უბადრუკისა მთავარ-დიაკონის ნიკოლოზისათა. დასაბამითგან სკნბ, ქრისტეს აქეთ ჩემდ, ქორნიკონს უღბ“.

ხელნაწერში ნიკოლოზის სხვა არაერთი მინაწერია. ხშირად მეორდება ერთიდაიგივე ფრაზა „შეიწყალე აბაშიძე ვახუშტი, ამინ“. ერთ-ერთ გვერდზე მიწერილია: „ადიდენ ღმერთმან ორთავე ცხოვრებასა შინა აბაშიძე ვახუშტი“. „წმინდანო მოციქულნო და ყოველნო წმინდანო მეოხ და თანა შემწვე ექმენით პატრონსა და მკითხველსა წიგნისა ამის ორსავე ცხოვრებასა, ანმინ“ – ნათქვამია ერთ-ერთ მინაწერში.

თ. ლაცაბიძე

(გაგრძელება იქნება)

# ეს ჩვენი ისტორიაა, ეს ჩვენი წარსულია

80 წელი გავიდა დიდი სამამულო ომის დაწყებიდან. რა ხდებოდა მაშინ ჩვენს რაიონში, როგორ იყო საერთო ფონი და პოლიტიკური თუ ეკონომიკური სურათი? რა თქმა უნდა, ამ მცირე სტატიებით შეუძლებელია ყველაფრის ამის ასახვა, მაგრამ ოდნავ წარმოდგენას მაინც გვიქმნის. რაიონულ გაზეთში 1941 წელს გამოქვეყნებული ეს მასალები, დღევანდელი გადასახედიდან, დიმილსაც კი იწვევს, მაგრამ ეს ჩვენი ისტორიაა და ჩვენი წარსულია და, ვფიქრობთ, საინტერესო უნდა იყოს მკითხველისათვის. მამ ასე: 1941 წელი, რაიონული გაზეთი „ბოლშევიკური სიტყვა“ (ასეთი „მქუხარე“ სახელი ჰქონდა რაიონულ გაზეთს).

**ვაყელი მასწავლებლები ენერგიულად იბრძვიან**  
ვაყელი მასწავლებლები ენერგიულად იბრძვიან სასოფლო საბჭოში წერა-კითხვის უცოდინარობისა და მცირემცოდნეობის აღმოფხვრისათვის. მასწავლებლები ერთიმეორეს ეჯიბრებიან ადებულ ვალდებულებათა პირნათლად განადგებისათვის. არასრული საშუალო სკოლის მასწავლებლებთან ვალდებულებაა საქართველოში საბჭოთა ხელისუფლების დამყარების 21-ე წლისთავისათვის სასოფლო საბჭოში ძირითადად დაამთავრონ წერა-კითხვის უცოდინარეობისა და მცირემცოდნეობის აღმოფხვრა.

ჯერ კიდევ გასული წლის 20 დეკემბრისათვის 29 უცოდინარიდან წერა-კითხვა შესწავლილი ჰქონდა 17-ს, ხოლო მცირემცოდნეობის სალიკვიდაციო სკოლა 119-დან დაამთავრა 71-მა. ამრიგად ვალდებულება განადგებულია 60 პროცენტით.

ვალდებულების განადგებისათვის წარმატებით მუშაობენ მასწავლებლები: კლ. ლომიძე, ეთ. ტალახაძე, გ. ებანოიძე, ვ. აბრამაშვილი, ო. ოგანეზოვი, ლ. არბოლიძე, პრ. გონგლაძე და სხვები.

ვაყელმა მასწავლებლებმა კულტაქტივის უკანასკნელ თათბირზე ივალდებულეს, რომ წერა-კითხვის უცოდინარობისა და მცირემცოდნეობის აღმოფხვრა მე-18 პარტკონფერენციის გახსნის დღის - 15 თებერვლისათვის დაამთავრონ.

**დ. ტყეშელაშვილი**  
**მუშაობა ჩაიშალა**  
მოწინავეა გვერდისუბნის კოლმეურნეობა, იქ არსებული კომკავშირის ორგანიზაცია კი ჩამორჩენილი. კომკავშირის მუშაობა არ ჩანს კოლმეურნეობაში. მდივანი ო. მჭედლიძე წითელ არმიამია გაწვეული და ორგანიზაცია სვსებით უმოქმედოდ არის. მოუწესრიგებელია კომკავშირული მეურნეობა, ორგანიზაციას არა თუ ოთახი, საკუთარი მაგიდაც არ აქვს. სურამის ტერიტორიალურ პარტიულ ორგანიზაციას ყურადღება არ მიუქცევია ამ ორგანიზაციისათვის.

**საქონელი დაასუსტეს**  
საგაზაფხულო თესვისათვის ცუდად ემზადება დამჩხეულის მეორე უბნის კოლმეურნეობა. 12 უღელი ხარიდან ძალზე დასუსტებულია 5 უღელი. კოლმეურნეობის თავმჯდომარეს მიეცა მითითება, რომ ძლიერ დასუსტებულ მუშა-საქონელი გადაეყვანა გაძლიერებულ კვებაზე, მაგრამ მას დღემდე ჩვეულებრივ კვებავს.  
ბოსელში სიბნელესთან ერთად ანტისანიტარული მდგომარეობაა.

**ალ. ქამუშაძე, აგრონომი**  
\*\*\*  
ხაშურის რაიონილიცია, თანახმად მმრ. დეპ. ხაშურის რაიონული საბჭოს 1940 წლის 25 სექტემბრის დადგენილებისა, ველოსიპედის მქონე მოქალაქეთა საყურადღებოდ აცხადებას, რომ ისინი ვალდებული არიან მმრ. დეპ. ხაშურის საქალაქო საბჭოში, 15 თებერვლამდე, შეიძინონ ველოსიპედის სტანდარტული ფორმის ნომრები. წინააღმდეგ შემთხვევაში უნომრო ველოსიპედები ჩამოერთმევათ.

**ხაშურის რაიონილიციის უფროსი დოდონაძე**  
**მღერის ბედნიერი ხალხი**  
20 წელია, რაც ჩვენმა სამშობლომ, საქართველომ მიიღო თავისი ნანატრი ხვედრი, 20 წელია დაჰნათის თავზე დიადი სტალინური მზე. მხოლოდ 20 წელია, რაც მოიპოვა ჩვენმა სამშობლომ ბედნიერება. გაქპრა რევოლუციამდელი საქართველოს სახე, რომელსაც ვაჟა-ფშაველა ყორნებისაგან დაკორტინლს, დაჭრილ არწივს აღარებდა.

ყველა გრძნობს ღრმა სევდას არა მარტო ბარათაშვილის ნაწარმოებებში, არამედ ილიას, ვაჟას, აკაკისა და სხვათა ნაწერებშიაც. თვით საქართველოს ცხოვრების მატინანეც ხომ არა ერთი და ორი სევდიანი სტრიქონებით არის დასერილი. მაგრამ საქართველოს საუკეთესო შვილებს ყოველთვის სწამდათ შინაური და გარეშე მტრებისაგან დეჰარული სამშობლოს ბრწყინვალე მომავალი:

„ჩემო კარგო ქვეყნავ, რაზედ მოგიწყენია, აწმყო თუ არა გწყალობს, ასეთი მგრძობიარე წინასწარმეტყველური სიტყვებით მიჰმართავდა სამშობლოს ილია ჭავჭავაძე. იმედინად ამბობდა აკაკიც: „არ მომკვდარა!.. მხოლოდ სძინავს და ისევე გაიღვიძებს!.. ვინც შენატრის იმის სიკვდილს, უმალ მასვე დაამიწებს.“

გაქპრა საქართველოს ნამდვილი შვილების ხმაში სევდა და ნაღველი. მშრომელი ხალხის მიერ ანთებულმა ხანძარმა მოსპო არწივების მშობელი ქვეყნის საუკუნობრივი სევდა და მისი შვილთა ხმაშიც აღფრთოვანებამ და სიხარულმა დაისადგურა.

თანამედროვეობის დიდი მწერალი, გ. ტაბიძე რევოლუციის დღეებმა უდიდესი სიხარულისა და სიცოცხლისადმი სიყვარულის გრძნობებით აავსო. იგი გატაცებით უმღერის აყვავებულ ცხოვრებას:

“გაცოცხლებულა ირგვლივ ყოველი, მფეთქავი ძალა არცა სადარი, სულ რომ არ იყო ქვეყნად დიმილი, შეჰხედე ეხლა რას ილიმან”

გაქპრა ღრმა სევდა საქართველოს შავბედითი ხვედრისაგან გამოწვეული და ბედნიერ საქართველოს უდიდესი გატაცებით უმღერის მისი თავდადებული შვილები.

უმღერის ჩვენი ცხოვრების გენიალურ შემოქმედს იმ გმირს, რომელსაც არა ერთი და ორი ადამიანი წინასწარმეტყველებდა; უმღერის ჩვენი სამშობლოს უდიდეს ადამიანს - მშობლიურ სტალინს.

საბჭოთა წყობილების დამყარებისთანავე გაქპრა სევდიანი სიმღერა საქართველოზე და მისი ადგილი აღტაცებამა და სიხარულმა დაიჭირა. ჩვენი სამშობლოს ახალგაზრდობას, მგზნებარე პატრიოტებს უყვართ ლაღი სამშობლო, იციან, რომ მისი ბედნიერება და საზღვრები ხელშეუხებია და მტკიცედ იმეორებენ ვაჟასულ სიტყვებს:

სამშობლოს არვის წავართმევთ, ნურც ნურვის შეგვეცილება, თორემ ისეთ დღეს დავაყრი, მტერსაც კი გაეცინება.“

ეს სიტყვები არა ერთხელ გაუმართლებია საქმით საბჭოთა ხალხს. მტრებმა კარგად იციან ამ სიტყვების ფასი.

**ს. ტყეშელაშვილი**  
**ბუხჰალტერ სპეკულანტი**  
ბუხჰალტერად ასაღებდა თავს მოქალაქე გიორგი მუმლაძე, მაგრამ ბუხჰალტრობაზე უკეთესად სხვა სპეციალობას ასრულებდა.

კოკას წყალი ყოველთვის არ მოაქვსო - ამბობს ქართული ანდაზა. მუმლაძესაც ასე დაემართა. როგორც სხვა დაწესებულებებში მუშაობისას, იგი თავდაცვა ავიაქიმის რაისაბჭოშიც შეეცადა დამხმარე პირის გამოძებნას. კიდევ გამოძებნა თავისი აზრით, მაგრამ შეცდა და მისი მოქმედება - სპეკულანტობა გამოიყვანებულ იქნა.

დამოსაგებელ ქალს დუბოვას მუმლაძემ ბაზარზე გასასყიდა გადასცა პრიმუსი, კალმები, ფეხსაცმელები... დუბოვამ როგორც ეს საბჭოთა მოქალაქეს შეშვენის, აღნიშნული საქონელი ბაზრის ნაცვლად რაიონილიციაში წაიღო.

მუმლაძის ბინის გაჩხრეკისას აღმოჩენილ იქნა მრავალი ფართო მოხმარების საქონელი. გომის უბნის სახალხო სასამართლომ 20 მარტს ბუხჰალტერ-სპეკულანტ გიორგი მუმლაძეს 5 წლით პატიმრობა და სასჯელის მოხდის შემდეგ 3 წლით საარჩევნო ხმის უფლების ჩამორთმევა მიუსაჯა.

კო ნ ა, წო ნ ა და ზ ა რ ა ლ ი

მწვანილი სუფრას ამშვენებს, ადამიანის ორგანიზმისათვის კი სასარგებლოა. მას ამიტომაც გვთავაზობენ გალუხვად ხაშურის რკინიგზის ბუფეტში, სადაც „პორციობით“ გაყიდვა აკრძალულია. ვთქვათ, გინდათ ბოლოკი, უსათუოდ ერთი კონა უნდა მოითხოვოთ, ხახვი გინდათ? ისიც ერთი კონა უნდა მიირთვათ. შეიძლება ერთი კონა ხახვი ან ბოლოკი არ შეჭამოთ, ეს არაფერია. სუფრას რომ ალაგებენ, რაც დაგეგმათ, მასაც წაიღებთ, მეურე კი, ხომ არ გადაყრიან, ეკონომიისათვის იბრძვიან, გამოიყენებენ... მენ კი მთელი კონა ხახვის ან ბოლოკის ფასი უნდა გადაიხადო.

სწორედ ასე იყო 8 მაისს. ოფიციალტმა განმარტა: „პორციობით“ მწვანილის გაყიდვის წინააღმდეგ მებუფეტებმა პროტესტი განაცხადეს - წონით გაყიდვა საზარალოაო. - თუ სალაპარაკო გახდება, ბატონო, ხვალდიდან ბუფეტში მწვანილს აღარ მოვიტანთო - შეგვირდა ოფიციალტი და მართლაც, მეორე დღიდანვე მისი შეპირება საქმედ აქციეს.

ვინ მისცა უფლება ხაშურის რკინიგზის ბუფეტის ხელმძღვანელებს მომხმარებლის აბუჩად აგდებისა და ვაჭრობის წესების დამახინჯებისა? რას გვეტყვის ამის შესახებ რაივარტობის ინსპექტორი ამხ. ღონდაძე?

**ფ.ლ.**  
**დიდი ბელადის მოწოდების საპასუხოდ**  
განუზომელი ყურადღებით მოისმინეს ხაშურის რკინიგზელებმა 3 ივლისს მშობლიური სტალინის მიერ წარმოთქმული გულში ჩამწვლომი, საპროგრამო

სიტყვები. ყველა წარმოებასა და დაწესებულებებში, ცვლასა და საამქროში გაიმართა სახელდახელო მიტინგები. ამ მიტინგებზე წარმოთქმულ სიტყვებში რკინიგზელები გვიჩვენებენ უსაზღვრო ერთგულებას ლენინ - სტალინის პარტიისადმი, მზადყოფნას საკუთარი მკერდით დაიცვან თავიანთი ღირსება და თავისუფლება.

დიდი სტალინის სიყვარული, მშობლიური ქვეყნის ერთგულება, რომელიც მათს სიტყვებშია გამოთქმული, მათ შრომაშიაც მტკიცდება. უამრავია ამის მაგალითი. რკინიგზელები სარეკორდო მაჩვენებლებს აღწევენ.

4 ივლისის დღიური დავალება საორთქმავლო დეპოს საკომპლექსო ბრიგადამ 167, მექვაბეთა საამქრომ 186 და დამხმარე საამქრომ 259 პროცენტით შეასრულა. საუკეთესოდ მუშაობენ მემანქანეები: ბათიევი, ტუროვი, ნ. კიკაძე, ვ. ხუციშვილი და სხვები. ივნისი მესამე ათდღიურში მათ დაზოგეს რამდენიმე ათასი კილოგრამი მაზუთი.

ელდეპოლმა ლენინელებმა მოწონელიძემ, ბირკაძემ, გელაშვილმა, ღონდაძემ და ფიჩხაძემ პერიოდული გასინჯვიდან ელმავლის გამოშვებაზე 45 პროცენტით ნაკლები დრო დახარჯეს, ვიდრე საჭირო იყო.

შეინკლები დიდებულიძე, მ. ხაჩიძე, ხარატი კუჭაიძე და სხვები ორმაგად და სამმაგად ასრულებენ დღიურ ვალდებულებებს. ელდეპოლებმა უკვე მოაწყეს საჰაერო-ქიმიური თავდაცვის სწავლება.

ახალ-ახალ წარმატებებს აღწევენ აგრეთვე შრ-2-ის ენერგო-მომარაგების მე-5 უბნის და სხათა მუშა-მოსამსახურენი, რომელთაც კარგად ესმით, რომ ზურგში მოპოვებული წარმატებანი სწვეტენ გამარჯვებას ფრონტზე. ა. ჯანჯღავა

**სამამულო ომის ფრონტებზე**

„ინებეთ ხურდა“  
ლეიტენანტ ვისოცკის ასული შეტევაზე გადავიდა, მეტყვიამფრქვევ ტერენტევი ასულს ეხმარებოდა. იგი შეურჩებლად უშენდა ტყვიამფრქვევს მტერს. უცნაოდ ქვებს იქით გერმანელები გამოჩნდნენ. - „დაგვნებდით“, - დაიღრიალა ერთმა და ხელყუმბარა გადმოისროლა.

აჩქარდა ფაშისტი, ხელყუმბარა ტერენტევის წინ დაეცა, მაგრამ აფეთქება ვერ მოასწრო. მამაცმა მეტყვიამფრქვევმა ხელი დასტაცა მას და უკანვე გაუგზავნა ფაშისტებს.

- ინებეთ ხურდა - მიამახა ტერენტევიმა. სიკვდილის მთესველი ყუმბარა პატრონებს დაუბრუნდათ და ცხვირწინ აუფეთქდათ.

რვა ხელყუმბარა დაუბრუნა უკან ფაშისტებს მამაცმა მებრძოლმა. მტრის იერიში მოგერიებულ იქნა. რამდენიმე მკვდარი დასტოვეს მათ ბრძოლის ველზე.

ტერენტევის მიერ დაბრუნებული „ხურდა“ მტრისათვის საბედისწერო აღმოჩნდა. („კომუნისტი“)

**ჩემი შვილები იცავენ დედა სამშობლოს**

ეს იყო ამ 22 წლის წინათ. ქმრის დაღუპვამ თავზარი დამცა. ისეც უჭირდა ჩვენს ოჯახს და ახლა კი 8 უსუსური ბავშვი ჩემს აპარა რჩებოდა. შიმშილით, სიღატაკეში უნდა დავხოცილიყავით. მაგრამ, აი, დამყარდა საბჭოთა ხელისუფლება და გული გამინათლდა - მან თავისი მზურვალე და მშობლიური მზრუნველობა გაუწია ჩემს შვილებს - ყველას გაუხსნა სკოლის კარები, სახელმწიფო პენსია დაუნიშნა.

ახლა ჩემი შვილები ჩვენი სამშობლოს მგზნებარე პატრიოტები არიან და მე უსაზღვროდ ბედნიერი დედა ვარ. აი, ვინ არიან ჩემი შვილები - მარიამი და მართა მასწავლებლად მუშაობენ, სამშობლოს სიყვარულისა და ერთგულების გრძნობით ზრდიან ახალგაზრდობას, საშა - მტს-ის ინჟინერია, ნადია კი სამთო ინჟინერი, ლუიზა აგრონომია, ხოლო მიხეილი - სამხედრო მეზღვაური. სულ უმცროსი გოგი - წელს ამთავრებს უმაღლეს სასწავლებელს და მოუთმენლად ელის წითელ არმიამი გაწვევას.

ახლა, სტალინური კონსტიტუციის დღეს, მე ვუბნები ჩვენს საბჭოთა მთავრობას, ჩვენს ბელადს- სტალინს: ჩემი შვილები გაამართლებენ მზრუნველობას, რომელიც თქვენ მათ გაუწიეთ. ისინი არავის დაანებებენ მშრომელთა ბედნიერებას, დიად სტალინურ კონსტიტუციას, უკანასკნელ სისხლის წვეთამდე იბრძობებენ მათ დასაცავად. ისინი, ჩემი შვილები, თქვენს მიერ აღზრდილნი, ფრონტზე და ზურგში, ბრძოლითა და შრომით აჩქარებენ მტრის დამარცხებას!

**ნატა ოყროშიძე, ხაშური**

# ხაშურმა თავისუფალი სწილით ქიდაობაში, ქაბუკთა შორის, საქართველოს ჩემპიონატს უმასპინძლა

ლონისძიება, სადაც 250 სპორტსმენი მონაწილეობდა, ხაშურის სპორტულ კომპლექსში გაიმართა.

სხვადასხვა წონით კატეგორიაში გამოვლინდნენ გამარჯვებულები.

გამარჯვებული სპორტსმენების დაჯილდოებაში მონაწილეობდნენ ხაშურის მუნიციპალიტეტის მერის მოვალეობის შემსრულებელი ზვიად ქურდაძე, საკრებულოს თავმჯდომარე მიხეილ ჯანაშვილი, მერის მოადგილე ზურაბ როსებაშვილი, მერიის კულტურის სამსახურის უფროსი კონსტანტინე ფრუიძე და სხვა წარმომადგენლები.

„მისასალმებელია ასეთი ტურნირების ჩატარება ჩვენს მუნიციპალიტეტში, ეს ყველაფერი ხელს უწყობს, როგორც პროფესიული სპორტის განვითარებას, ასევე ახალგაზრდების დაინტერესებას და ჯანმრთელი ცხოვრების წესის პოპულარიზაციას.“- აღნიშნა ხაშურის მუნიციპალიტეტის მერის მოვალეობის შემსრულებელმა ზვიად ქურდაძემ.

თავისუფალ ჭიდაობაში, ჭაბუკ მოჭიდავეთა საქართველოს ნაკრების მთავარი მწვრთნელის გიორგი კვინიკაძის განმარტებით, აღნიშნული შეხვედრის მიზანი იყო შემდგარიყო ჭაბუკთა ნაკრები. ეს ნაკრები სამომავლოდ გაივლის გარკვეულ წვრთნებს და მონაწილეობას მიიღებს სხვადასხვა საერთაშორისო ტურნირებში. ივნისის თვეში იქნება ევროპის პირველობა, შემდეგ მსოფლიო პირველობა, სადაც გუნდი მიიღებს



მონაწილეობას.

ხაშურის სპორტულ კომპლექსში გამართული ჩემპიონატის მხარდამჭერები იყვნენ ხაშურის მუნიციპალიტეტის მერია, მერიის განათლების კულტურის, სპორტის სამსახური და ხაშურის სასპორტო სკოლა.

## სალიანდაგო სამმართველო გარემოზე ზრუნავს

გარემოზე ზრუნვა თითოეული ჩვენგანის მოვალეობაა. დაჩქარებულმა ინდუსტრიალიზაციამ, სამწუხაროდ, ძალიან დაატყო ხელი ჩვენს საერთო სახლს-დედამიწას და ყველა ვხედავთ, თუ როგორ უარესდება ეკოლოგიური მდგომარეობა ირგვლივ. იგივე სიტუაციაა ქალაქებში და მხოლოდ კონკრეტული და შესაბამისი სამსახურების ძალისხმევა ხშირად უნაყოფოა. ამიტომ, კერძო ინიციატივები მართლაც შესაშური და მისასალმებელი. სწორედ პირადი ინიციატივა იყო, როდესაც უღელტეხილის სალიანდაგო სამმართველომ გადაწყვიტა, ხაშურის რკინიგზის სადგურის მიმდებარე ტერიტორიის დასუფთავება. სამმართველოს უფროსის, დიმიტრი ნემსაძის წამოწყებით და ორგანიზებით, შესანიშნავი საქმე გაკეთდა და სამმართველოს თანამშრომელთა ჩართულობით, ტერიტორია მთლიანად გაიწმინდა. მარტო იმის აღნიშვნა

რად ღირს, რომ ადგილიდან 15 სატვირთო მანქანა ნაგავი იქნა გაზიდული. როგორც ბატონმა დიმიტრმა განაცხადა, აქცია არ იქნება ერთჯერადი და მსგავსი ინიციატივები მომავალშიც გაგრძელდება.

მართლაც მადლობა ამ ხალხს, ასეთი კარგი და კეთილი საქმისთვის. იმედია, მათი ინიციატივა სხვა ორგანიზაციებისა თუ სამსახურებისთვის მაგალითი გახდება.



## შენ იყავი და ხარ ჩვენთან, ვითარცა უამი...

(ნიკოლოზ ბიჭიკო) ვაშაკიძის სანთელ-საკმეველი

იცის ყოველმა კაცმა კაცთაგანმა, რომ ადამიანი მოკვდავია და რომ „არვის ძალუხს ხორციელსა გარდაუვალის გარდავლენა“, მაგრამ თვით ჩვენთვის სრულიად უცნობი კაცის გარდაცვალებაზე სევდიანი ფიქრებს აღვივირავს და სულსა და გულს გვიმძიმებს, რადგან საკუთარ წარმავლობის აუცილებლობას შეგვახსენებს. ამ საწუთროდან იმ სამკვიდროში მეგობრის წასვლა, რომელიც



შენი ამქვეყნიური ყოფნის თანამონაწილე იყო, ძალიან გულდასაწყვეტი და მტკივნეულია, რაც მეტწილად სამუდამო ნატყვევად აღიბეჭდება შენს სულსა და გულში. ისეც ხდება, რომ გლოვა პერიოდი განცდის ელემენტებითაც ივსება, თუ ის კაცი მარტო ახლო მეგობრებს კი არა, მთელს სოფელს, ქალაქს ან ქვეყანას დააქლდა. ბიჭიკო ვაშაკიძე მთელ ინტელექტუალურ ხაშურს დააკლდა და არა მარტო მას... ცნობილ სამეურნეო მუშაკს, წარმოების თვალსაზრისით ორგანიზატორს, სადაც კი უშუშავია, ხაშურში თუ კასპში, ბორჯომსა თუ სხვაგან, ყველგან კეთილი კვალი, საქმის უზადლო მცოდნისა და გულისხმიერი ხელმძღვანელის სახელი დაუტოვია.

წარმოების ბევრი მომავალი ხელმძღვანელი გაიზარდა მის ფრთებქვეშ... მაგრამ ამაზე ახლა არაფერს ვიტყვით. ჩვენი მეგობარი ბიჭიკო ყველასაგან გამორჩეული იყო იმ პიროვნული თვისებებით, რომელსაც დიდი მოწადინებოთაც კი ვერ შეიძენ, უფაღმა თუ არ მოგმადლა დაბადებიდანვე... მას მეგობრობის განსაკუთრებული მოთხოვნილება, სიყვარული და ერთგულება ახასიათებდა. მეგობრების მონატრება ხომ სასწაულებრივი იცოდა... ბევრი არც ჭამა უყვარდა და არც სმა, მაგრამ მეგობრებთან შეხვედრა აუცილებლად სუფრასთან უნდა შემდგარიყო. სუფრების ორგანიზატორი უმეტესად თვითონ იყო და მის მიერ გაშლილ სუფრას მისივე დაყენებული ზედაშე ამშვენებდა. თამადაც თვითონვე იყო ხოლმე, მაგრამ ზომიერად, მხოლოდ ღვინის ჭიქით სვამდა, ჩვენგან განსხვავებით, ცხადია! სადღეგრძელო ლოცვააო, იტყოდა ხოლმე და ილოცებოდა შთამბეჭდავად, გულით, მთელი არსებით. მისი მთავარი სალოცავი ხატი საქართველო იყო და როგორც დიდი პოეტი იტყოდა, ხატად მთელი საქრისტიანო მიიჩნდა. პატრიოტი იყო თხემით ტერფამდე და ამიტომაც დიდი ქართველები საკუთარ წინაარსებდ მიიჩნდა. მის სუფრაზე ჩვენთან ერთად, მისი სადღეგრძელოების გამო, ისტორიიდან გადმოსული დიდი ქართველებიც იხსენებენ: დავითი და რუსთაველი, ილია და აკაკი, ვაჟა და იაკობი, დიმიტრი ყიფიანი და ნიკო ნიკოლაძე... ამიტომაც ბიჭიკო ვაშაკიძის ოჯახში გაშლილი უხვი სუფრა არასოდეს გადაქცეულა ღრეობად და მთვრალთა ყაყანად. მასპინძელს სუფრაზე საკუთარი გული ედო,

რომელიც სიყვარულს ახსივებდა უშურველად და უანგარიშოდ. ჩვენ ბევრი სახელოვანი კაცი შეგვხვედრია და გვიმეგობრია კიდევ მათთან, მათ შორის ტექნიკური დარგის ცნობილი ადამიანები, მაგრამ თავისი სამშობლოს ისტორიისა და ლიტერატურის ცოდნაში ბევრი ვერ გაუწვევდა მეტოქეობას ჩვენს მეგობარს. უმდიდრესი ბიბლიოთეკა ჰქონდა, სულ კითხულობდა, გაზეთებში სიახლე არ გამოჩნებოდა. ბოლომდე ახალგაზრდად დარჩა ჩვენი მეგობარი, ამიტომაც შერჩა ბოლომდე ბავშვობისა და ჭაბუკობისდროინდელი სახელი ბიჭიკო, არა და, დიდებული ნათლობის სახელი ერქვა ნიკოლოზი. წავიდა ჩვენგან ძვირფასი მეგობარი, რომელმაც თავის წუთისოფელში სიმწარე და ურვაც განიცადა და გამარჯვების სიხარულიც. წავიდა იმ სამკვიდროში, რომელსაც მარადისობა ჰქვია, მაგრამ ჩვენთან, მის მეგობრებთან დარჩა ვითარცა უამი...

მსუბუქი იყოს მისთვის მშობლიური ხაშურის მიწა, რომელსაც მანამდე მისი ძვირფასი მეუღლე და ვაჟიშვილი ეხიარა. მეგობრების სახელით: ზურაბ ცუცქერიძე, თამაზ ლაცაბიძე, მურად მთვარელიძე, გიორგი ტაბატაძე, არჩილ სეფისკვერაძე, თემურ ბუნიაშვილი, თამაზ ბარბაქაძე, ჯონო ქიტიაშვილი, გია კახურაშვილი, ლევან რატანი, ანზორ სიჭინავა, ვაჟა გაბარაშვილი

## მზია ნადირაძის ხსოვნას

ორმოცი დღე გავიდა მას შემდეგ, რაც მზია ზეციურ საქართველოს შეუერთდა. გვიმძიმს მასზე წარსულში საუბარი - მთელი თავისი ცხოვრება მოკრძალებულად, უხმაუროდ გაატარა. დატოვა უსაზღვრო სიყვარული, სითბო, სიკეთე.

შენ, ჩემო სულით და ხორცილთ ლამაზო მამიდაშვილო, ღირსეული კვალი დატოვე განათლების სისტემაში. იყავი კარგი დედ-მამის შვილი, და-მამის ლეილას და კარლოს უზომოდ მოყვარული. იყავი საუკეთესო მეუღლე, დედა და მეგობარი. სწორედ ისეთი, მთელ ქალაქს რომ აკლდებიან და შემდეგ მოწიწებით და სიყვარულით იხსენებენ.

დატოვე კარგი შვილები, შვილიშვილები, რომლებიც არასოდეს შეარცხვენენ შენს სახელს.

ჩვენ კი, შენი ახლობლები, შევთხოვთ უფაღს, რომ ნათელი არ მოგვკლებოდეს მარადიულ საუფლოში.

მსუბუქი იყოს შენთვის მშობლიური სურამის მიწა.

იური და დიანა დიდბულიძეები



**D განცხადება**  
მარტოხელა არამწოლიარე ასაკოვანი ქალისათვის გვესაჭიროება ბინაზე მიმხედვა. მისამართი: სურამი, 9 აპრილის ქუჩა, მე-2 ჩიხი, №15.  
ანაზღაურება შეთანხმებით.  
დაწვრილებითი ცნობისათვის დარეკეთ ბინის ტელეფონზე: 27 10 18  
იკითხეთ გია პაუტოვი

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში.